

SAMÞYKKT

um búfjánhald í Bolungarvíkurkaupstað.

1. gr.

Markmið og gildissvið.

Markmið þessarar samþykktar er að tryggja sem best skipulag, stjórn og eftirlit með búfjánhaldi í Bolungarvíkurkaupstað, koma í veg fyrir ágang búfjár á lóðir bæjarbúa og gæta þess að hús fyrir búpening og önnur aðstaða sé þrífaleg og í samræmi við vilja bæjarstjórnar og gildandi lög hverju sinni.

2. gr.

Umsjón.

Umsjón með málefnum varðandi búfjánhald, í umboði bæjarstjórnar, er í höndum umhverfismálaráðs Bolungarvíkurkaupstaðar og eftirlitsmanns með búfjánhaldi, að svo miklu leyti sem hún er ekki öðrum falin að lögum.

3. gr.

Takmörkun á búfjánhaldi og skilyrði.

Búfjánhald, svo sem alifugla, geita, hrossa, kanína, loðdýra, nautgripa, sauðfjár og svína, er óheimilt öðrum en ábúendum lögbýla í Bolungarvíkurkaupstað, nema með leyfi bæjarstjórnar að uppfylltum eftirtöldum skilyrðum:

- a) Að umráðamaður búfjár hafi fullnægjandi aðstöðu til þess að halda búfé, bæði hvað varðar húsakost, beitarland og fóður. Eftirlitsmaður með búfjánhaldi skal fylgjast með því að reglur þessar séu haldnar.
- b) Að aðbúnaður búfjár og meðferð þess sé jafnan í fyllsta samræmi við ákvæði laga og reglugerða um búfjánhald og dýravernd. Þá er umráðamanni búfjár skylt að hlíta hvers konar fyrirmælum um hreinlæti og heilbrigðishætti.
- c) Að búfé sé ávallt í öruggri vörslu umráðamanns þess, sbr. 7. gr.

4. gr.

Búfjánhald á lögbýlum.

Í Bolungarvíkurkaupstað er búfjánhald heimilt ábúendum lögbýla. Skilyrði til búfjánhalds samkvæmt 3. gr. skulu þó vera uppfyllt til að búfjánhald teljist leyfilegt. Ábúendur lögbýla skulu tilkynna bæjarstjórn um búfjánhaldið þegar það hefst og þegar því lýkur.

5. gr.

Leyfisveiting og gjaldtaka.

Sá sem hefur í hyggju að halda búfé samkvæmt 3. gr. skal sækja um leyfi á þar til gerðum eyðublöðum til bæjarstjórnar, sem tekur afstöðu til umsókna að fenginni tillögu umhverfismálaráðs. Telji bæjarstjórn skilyrði 3. gr. fullnægt, skal hún veita leyfi til búfjánhalds. Leyfi til búfjánhalds skuldbindur ekki bæjarfélagið til að sjá leyfishöfum fyrir beitolandi eða annarri aðstöðu til búfjánhalds.

6. gr.

Leyfi til búfjánhalds.

Leyfi til búfjánhalds skal gefið út á nafn og kennitölu umsækjanda til þriggja ára í senn og er ekki framseljanlegt. Í leyfisbréfi skal koma fram til hvaða tegundar búfjár leyfið nær og hámarksfjöldi búfjár.

Óski umráðamaður búfjár eftir að halda annan búfénað en þann sem um getur í leyfisbréfi, eða ef óskað er eftir yfirtöku búfjánhalds sem leyfi hefur verið veitt fyrir, skal sótt um nýtt leyfi.

7. gr.

Lausaganga búfjár og handsömun.

Lausaganga búfjár er óheimil innan bæjargirðingar samkvæmt meðfylgjandi uppdrætti.

Bolungarvíkurkaupstaður skuldbindur sig í samvinnu við landeigendur til að tryggja sem best að girðingar um þéttbýlissvæðin séu fjárheldar samkvæmt reglugerð nr. 748/2002, um girðingar.

Búfé sem gengur laust, skal handsama og koma í vörslu eftirlitsmanns með búfjárhaldi. Eiganda skal tilkynnt um gripi sína með sannanlegum hætti og gert að sækja þá og greiða áfallinn kostnað, svo sem vegna tjóns og kostnað við handsömun. Hafa skal hliðsjón af ákvæðum í 7. gr. laga nr. 103/2002, um búfjárhald o.fl., með síðari breytingum.

8. gr.

Viðurlög við brotum.

Um viðurlög við brotum á samþykkt þessari fer samkvæmt lögum nr. 103/2002, um búfjárhald o.fl., með síðari breytingum. Alvarleg eða endurtekin brot gegn samþykkt þessari geta varðað sviptingu leyfis til búfjárhalds í sveitarfélaginu hvort sem um er að ræða leyfis skylt búfjárhald samkvæmt 3. gr. eða búfjárhald á lögþyli samkvæmt 4. gr.

9. gr.

Gildistaka.

Samþykkt þessi, sem bæjarstjórn Bolungarvíkurkaupstaðar hefur samið og samþykkt, staðfestist hér með samkvæmt lögum nr. 103/2002, um búfjárhald o.fl., öðlast þegar gildi og birtist til eftirbreytni öllum þeim sem hlut eiga að máli.

Ákvæði til bráðabirgða.

Þeir sem við gildistöku þessarar samþykktar hafa í umsjá sinni búfé sem fellur undir ákvæði hennar skulu innan sex mánaða frá gildistöku samþykktarinnar tilkynna búfjárhald sitt og sækja um leyfi fyrir því.

Atvinnuvega- og nýsköpunarráðuneytinu, 20. desember 2013.

F. h. sjávarútvegs- og landbúnaðarráðherra,

Kristinn Hugason.

Sigríður Nordmann.

